



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Sectio I. Exponitur meus Ecclesiæ in Legibus à Superioribus Ecclesiasticis,  
circa Res Temporales conditis.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

VI. Fidelium Principum potestati Deus suam Ecclesiam credidit. *Caus. xxiii. Quæst. 5. Cap. 20. Principes fin.*

Agnoscant Principes seculi, Deo debere se rationem reddere propter Ecclesiam, quam à Deo tuendam suscipiunt. *Ibid. post. med. five angeatur pax & disciplina per fideles Principes, five solvatur; ille ab eis rationem exigit, qui eorum potestati suam Ecclesiam tradidit. Ibid. fin.*

VII. Sæculares Principes Catholicos Deus sanctæ fidei, Ecclesiæque protectores esse voluit. *Concilium TRID. Seff. xxv. DECRET. 2. de Reform. Cap. 20. post init.*

VIII. Imperator bonus intrà Ecclesiam est, non suprà Ecclesiam; bonus enim Imperator querit auxilium Ecclesiæ, non recusat. *Caus. xxiii. Quæst. 8. Cap. 21. convenior. §. 6.*

Tributum Cæsar is est; non negatur. Ecclesia Dei est; Cæsari utique non debet adjici: quia jus Cæsar is esse non potest templum Dei. Quod cum Imperatoris honorificentia dictum nemo potest denegare. Quid enim honorificentius, quam ut Imperator Ecclesiæ filius esse dicatur? *Ibid.*

IX. *Concilium TROSLEIANUM Anni 909. Cap. 1. Tom. ix. CONC. p. 524.* Principes concedet, ut privilegia ab antiquo Ecclesiis concessa roborent & stabiliter observari jubeant, & quemadmodum, ab antecedentibus Regibus honoratae, vel rebus ampliatae seu dotatae fuerunt, ita de ceterò, sub omni integritate, salva aquitatis ratione, permaneant.

X. Cognoscant Principes seculi, Deo debere se rationem reddere propter Ecclesiam, quam à Christo tuendam suscipiunt. *Conc. PARIS. VI. An. 829. lib. 2. Cap. 2. fin. Tom. vii. CONCIL. pag. 1640.*

XI. Vide *Concilium MOGUNTINUM I. Anni 857, in Epistola ad LUDOVICUM fin. Tom. viii. CONC. pag. 40. & Cap. 4. & Cap. 6.* ubi inter alia dicit, zelo Dei oportet vos defendere Ecclesiæ CHRISTI, qui vobis regnum in terra & dominationem tribuit; adduictisque postea exemplis priorum Imperatorum ad id excitat.

XII. Pertinet hoc ad Reges seculi Christianos, ut temporibus suis pacatam & sine diminutione velint servari matrem suam Ecclesiam, unde spiritualiter nati sunt. *NICOL. I. ad Conf. Bulgarorum Cap. 18. Tom. viii. CONC. p. 526.*

Collecti haecnon Canones circa Distinctionem, Qualitatem & Materiam Legum sequenti *Titulo* explicabuntur, eorumque utilitas demonstrabitur.

### TITULUS VIII.

*De LEGIBUS ab ECCLESIA vel à PRINCIPE conditis, quæ excedere videntur condentis potestatem; sed potissimum de Ecclesiæ Legibus hujusmodi. Ubi varia ipsarum species exponuntur; & discutitur, quenam sit earam autoritas.*

Res in species dividi possunt Superiorum Ecclesiasticorum Decreta, pro variis argumentis, circa quæ illa sanciuntur: 1º. Quædam versantur circa argumenta merè Temporalia; quales sunt Canones circa Manumissionem seruorum, qui reperiuntur in 1º. *Araucano. 2º. Arelatensi. 5º. Aurelianensi. 2º. Matifconensi*, & quibusdam aliis Conciliis. Plura extant hujusmodi Decreta, que *Judeos* respiciunt; juxta ea, quæ jubent, ut illi vestes peculiares gerant, quibus à ceteris hominibus distinguantur; quæ prohibent eos certis diebus in publicum prodire, & palam operari diebus festis Christianorum, cosque dannant in quandam pecunia summam Ecclesiæ Parochiali quotannis solvendam. Hæc tòtidem sunt Leges Concilii *Lateranensis IV.* habiti An. 1215. sub *Innoc.*

III. *Can. 67. 68. 69. Concilii Narbonensis An. 1227. Can. 2. 3. 4. Viennensis, in Austria, An. 1267. Can. 15. 16. 17. & complurium aliarum Synodorum Sæculis XII. XIII. XIV. habitarum.*

Nihil est, quod magis ad autoritatem temporalem pertineat, quam quod constituitur *Can. 17.* hujus Concilii *Viennensis*. In eo damnantur *Judei*, in quos spiritualis potestas, quam Deus Ecclesia impertitus est, non habet jurisdictionem; atque sanciuntur carcer, verbera, mulcta pecuniaria, & depositio, quæ totidem sunt *Pena Temporales*. *Si quis vero Judeus cum aliquâ Christianâ fornicationis vitium deprehensus fuerit commissive, quadamque decem marcas argenti, ad minus, pro emendatione solverit, districto carceri mancipetur; & mulier Christiana, quæ tam damnatum contum elegerit, per civitatem fustigata, de ipsâ civitate, sine spe redeundi, penitus expellatur.*

Multa sunt in *Tridentino Decreta* ad primam hanc speciem révocanda. v. g. illud, quod omni patrimonio exiit Duello dimicantes; & omnia Decreta, quæ Judici Ecclesiastico tribuunt facultatem damnandi Laicos in multam pecuniariam, etiam in re civili.

Legum Ecclesiasticarum species *Secunda* complectitur eas, quæ merè Ecclesiastice sunt; & *Tertia* eas, quæ circa argumenta *mixta* versantur. Triplicem hanc Legum speciem accuratè distinguere opus est, & investigare, quænam sit Ecclesiæ autoritas circa unquamque; ut Spiritualis Potestas cum Temporali concilietur; ut in singulis argumentis capita ad alterutram pertinentia distinguantur, & quænam denique sit utriusque potestas.

### SECTIO I.

*Exponitur MENS ECCLESIAE in LEGIBUS à Superiobus Ecclesiasticis, circa RES TEMPORALES, conditis.*

**C**onfundenda non sunt omnia Conciliorum, & Pontificum Decreta, circa Res Temporales. Verum, ut minus perturbatè exponatur, qualis sit autoritas illorum, & majori cum certitudine detegatur mens eorum, à quibus illa profecta sunt, ipsa in *Quinque species* distribuam.

Plura ex iis sunt tantum pia Consilia, à Patribus, qui Conciliis interfuerunt, quique ea ad fidelium sancificationem utilia duxerunt, Regibus proposita. Hujus generis sunt Canones ex *Lateran.* IV. & ex *Narbon.* *Vienn.* & *Trident.* Conciliis, modò laudatis. Item plura ejusmodi propositorum exempla occurunt, in Regulis eorum, quæ gesta sunt in Conciliis Gallicanis; maximè quoad media, quæ adhibenda erant, ad debilitandam & paulatim extinguendam Calvinistarum sectam in ditione Gallicanæ. Etenim Pastores nostri non sibi arrogant, ut autoritate suâ Ecclesiasticâ, ad vim statutorum, omnes & singulos articulos à se propositos evchere possint. Si nonnullos executioni mandari non curat Rex, ipsi ob id non scandalisantur; quippe si gnari sint, quid iis illi suam autoritatem impetraret, atque eos in Leges converteret, nisi in præsentiarum malum, quod indè Republica sentire posset, superaret bonum, quod ex illis speratur. *Conc. INSULAN. Tom. xi. CONCIL. pag. 2350.*

*Concilium INSULÆ, in Comitatu, An. 1253.* habitum evidenter supponit Decreta Conciliorum circa Res Temporales esse mera proposita, priusquam à Principibus adoptentur. *Concilium ARELATENSE,* An. 1234. penas pecuniarias in contemptores excommunicationis constituerat; *Concilium Insularum* illius Decretum confirmat, sub clausula tamen, si Domini temporalis consensus impetrari queat. *Contra contemptores excommunicationis servetur quod continentur in Concil. Arelatensi, si hoc poterit per Temporales Dominos obtineri.*

An.

An. 1288. Senatus Parisiensis Judices Ecclesiasticos vetuit, ne poenas pecuniarias in Judæos pronuntiarent. Subjicio verba qua referuntur. Cap. 36. *Probationum Libertatum Ecclesia Gallicane n. 9, pag. 1370.* In Parlamento Pentecostes An. 1288. fol. 79. 6. dictum fuit, quod Prelati aut eorum Officiales non possunt pœnas pecuniarias Judæis infligere, nec exigere per Ecclesiasticam censuram, sed solummodo panam à Canone statutam, scilicet Communionem fidelium, sibi subtrahere. Decretum hoc luculentiter probat, celebri huic collegio persuasum fuisse, Canones, qui supersunt aduersus Judæos, ex autoritate Ecclesiastica non esse profectos.

Alii sunt Canones circa Res Temporales, qui intrâ meri propositi limites non continentur, ut præfati; sed conditi fuerunt ab Ecclesia, ut, quatenus potest, Legum Sæcularium, ad fidei promulgationem, hæremon extirpationem, & generaliter, ad Ecclesiæ bonum utrum executionem procuraret\*.

An. 1228. S. LUDOVICUS Constitutionem promulgavit in Hæreticos & Excommunicatos, qua Hæreticos eorumque fautores omnibus Officiis & Dignitatibus privar; item, factione Testamenti, & omnibus bonis, tâm mobilibus, quâm immobilibus; nec non præcipit Baillivis suis, ut apprehendant bona eorum, qui anno integro Excommunicati manebunt; & prohibet illa restituere, priusquam absoluti fuerint, & sine suo speciali mandato.

Art. 2. „Ad ipsorum (Hæreticorum) extirpationem statuimus, quod Hæretici, qui à fide Catholicâ deviant, quocumque nomine censeantur, postquam fuerint de hæresi, per Episcopum loci, vel per aliam Ecclesiasticam personam, quæ potestate habeat, condemnati, indilatè animadversione debita puniantur.

Art. 3. 1 „Ordinantes etiam & firmiter decernentes, ne quis Hæreticos receptare, vel defensare, quomodolibet, aut ipsis favere, aut credere quoquo modo præsumat; &, si aliquis contrâ prædicta facere præsumperit, nec ad testimonium, nec ad honorem aliquem de cætero admittatur, nec possit facere Testamentum, nec successionem alicujus hæreditatis habere. Omnia bona ipsius mobilia & immobilia fint ipso facto publicata decernimus, ad ipsum, vel ad posteritatem ipsius nullatenus revera, fura.

Art. 7. „Statuimus ut excommunicati vitentur, secundum Canonicas sanções; &, si aliqui per annum contumaciter in excommunicatione persistirent, ex tunc temporaliter compellantur redire ad Ecclesiasticam unitatem, ut, quos à malo non retrahit timor Dei, saltem pœna temporalis compellat.

Art. 8. „Unde præcipimus quod Ballivi nostri omnia bona talium excommunicatorum, mobilia, & immobilia, post annum capiant, nec iis aliquo modo restituant, donec prædicti absoluti fuerint; nec tunc etiam, nisi de nostro speciali mandato.”

Constitutio hæc unum est ex illustrioribus, que supertinet, monumentis pietatis S. Ludovici, ejusque zeli, ad conversionem Hæreticorum, & Excommunicatorum correctionem. Concessa sibi divinitus potestate sapiens utitur Princeps, adeò usque, ut Hæreticos & Excommunicatos bonis exuat, sed una docet nos, sibi persuasum esse solos Principes hanc pœnam sanare posse.

Vult Excommunicatorum bona capta manere, donec absoluti fuerint, Ecclesiæque satisficerint; sed ab Episcopali judicio non pendet, ut ea restituantur. Jubet ut suum expectetur mandatum speciale, nec tunc etiam, nisi de nostro speciali mandato.

+ Ante S. Ludovicum, LUDOVICUS VIII. ejus Pater, circa eandem rem Constitutionem fecerat. Hoc

\* An. 1225. FRIDERICUS II. Imperator, similem edidit Legem quoad Hæreticos, & Excommunicatos, quæ excusa est ad calcem Corporis Juris, p. 539. Editio Vitre.

† TOM. XI. CONCIL. pag. 423.

‡ TOM. XII. CONCIL. pag. 304.

¶ TOM. I.

à Concilio NARBON. An. 1227. discimus. Hæc sunt ejus verba. Can. 1. „Felicitis recordationis Dominus „Ludovicus Rex Francorum, attendens quantâ pertinaciâ Laici Provincia Narbonensis & quarundam partium adjacentium, in prejudicium animarum „suarum, Sententiam Excommunicationis contemnerent, contrâ hujusmodi pertinaciam olim apud Apamiam constitutus, à Consilio Domini Romani „Sancti Angeli Diaconi Cardinalis, tunc Apostolice „Sedis Legati, omnium etiam Prælatorum de Francia, qui præsentes fuerant, pro Ecclesiastica Liberitate statuit, ut, quicumque, post trian admonitionem, excommunicari se permiserit, in novem Libris & uno Denario Turonensi puniatur; si vero per annum, contumaciter in Excommunicationis Sententiâ permanferit, bona ejus omnia cadant in commissum. Quam Constitutionem nos Petrus, Archiepiscopus Narbonensis, de consilio fratum & suffraganeorum nostrorum, & approbatione totius Concilii, mandamus & statuimus, atque præcipimus de cætero in Provincia Narbonensi ab omnibus inviolabiliter observari, ita videlicet, quod si forte Excommunicatus in prædicta summa puniri nequiverit, minori, vel alias secundum providentiam sui Diœcesani Episcopi puniatur, sicut à Prælatis Francia obseratur.” Juxta ordinem quem Guillelmus DE PODIO Laurentii servavit in Chronico suo, Concilium Apamiense, in quo Ludovicus VIII. hanc Constitutionem fecit, habitum fuit exente Anno 1226. paulò antè mortem ejusdem Principis. Idem Historicus scribit Concilium Narbonense præfatum, quadragesimâ subsequenti celebratum fuisse. Cum enim (inquit Cap. 36.) esset Apamie Rex (Ludovicus VIII.) ibi multa consilio Cardinalis & contra contemptores Clavium Ecclesia animadvertisit, statuto necessario & salubri, de quo fit mentio in Concilio Narbonensi, in sequenti mox quadragesimâ celebrato, quod incepit felicis recordationis. Concilium Biterrense habitum An. 1246. refert Decretum Concilii Narbonensis Cap. 36. CONCIL. TOM. XI. pag. 684.

Antequâm hæ Leges promulgata fuissent, quædam Concilia eamdem pœnam aduersus Excommunicatos tulerant, atque aduersus Hæreticos, eorumque fautores. Exindè Concilia, Tolosanum, An. 1229.; Biterrense, An. 1246.; Talentinum, An. 1248.; Albigense, An. 1254. pluraque alia, similes quoque Canones considerunt.

Decreta Conciliorum, quæ Principum Constitutiones præriverunt, nihil aliud erant quam pia proposita, quæ effectum habere non poterant, nisi Reipublicæ moderatores iis autoritatem impertirentur. Concilia, quæ secuta sunt, Canones suos fecerunt, ut, quatenus poterant, procurarent executionem Legum Principum Christianorum, quas utilissimas reabantur ad extirpationem hæremon, & propagationem fidei, Canon. 1. Concilii Narbon. modo relatus, & 13. Concil. Valent. An. 1248. invicè probant Decreta hæc facta non fuisse, nisi ad Legum Civilium normam. Patres Valentinienses hos Canones fecerunt aduersus eos, qui excommunications contemnunt, jubent ut, quoad francigenas, observetur Constitutio Cupientes, quæ est Ludovici, cuius aliquot articuli supra relati sunt, & alii declarentur infames, absolvique nequeant nisi à Pontifice. „De contemptoribus Excommunicationis, quantum ad eos qui sunt in Regno Franciæ, obseruet illa Constitutio, Cupientes, & Concilium Apamiarum: quantum ad alios, qui non sunt in Regno, statuimus, quod si persistirint per sex menses in excommunicatione, & moniti noluerint resipiscere, denuntientur infames, & excommunicati, in locis ubi morantur, & in locis viciniis, à quâ infamia non nisi per Sedem Apostoli-cam absolvantur.”

Concilium ALBIGENSE An. 1254. habitum. Can. 32. contra Episcopos excommunicationum contemptores, distinguit quoque, inter Episcopos Gallicanos, & exteriores;

exteros : Jubet, ut, quoad posteriores, observetur Canon. 17. Conc. Valent. &, quoad priores, exequatur Decretum Concilii Narbon. supra relatum. „Circa Episcopos & excommunicationum temerarios con-  
tempores, quantum ad eos, qui sunt in Regno Francie, statutum Narbonnenis Concilii, quantum vero ad illos, qui sunt extra Regnum Francie, V-

„lentinum Concilium observetur.“  
Ratio, propter quam hoc Decretum alias penas statuit in excommunicatos regnicales, quam in extraneos, à Regibus nostris non pendentes, est, Principes horum Excommunicatorum Domini, nullam fecerant Constitutionem ei similem, qua in Gallia obtinebat; unde Patres illius Concilii suam autoritatem adhibere non potuerunt, ut ejus executionem procurarent; & coacti fuerunt exigere foliummodo penas Ecclesiasticas, compertum habentes, quod ad Principes solos pertinebat, ut subditos suos bonis temporalibus exuerent.

Notandum est quod duo Cardinales Legati Pontificis huic Concilio praesidebant, & quod Canon 3, inter eos, qui vulgo tribuantur Lateranensi IV. An. An. 1215.; jubet, ut Hæretici bonis omnibus spolientur, eademque penam affiantur ii, qui per annum in Excommunicationis vinculo perseverabunt.

Bona hujusmodi damnatorum, si Laici fuerint, confundentur; si vero Clerici, applicentur Ecclesiis, à quibus stipendia percepunt. Qui etiam inventi fuerint sola suspicione notabiles, nisi juxta considerationem suspicionis, qualitatemque personae, propriam innocentiam congrua purgatione monstraverint, Anathematis gladio feriantur, & usque ad satisfactionem condignam ab omnibus evitentur; ita quod si, per annum, in Excommunicatione persistenter; ex tunc velut hæretici condemnentur.

Si Patres Concilii Valentini persuasum habuissent, hoc Decretum Cone. Later. IV. esse Legem, cui omnes fideles teneantur parere, independenter à Principum approbatione, penam hanc adversus Hæreticos tulissent sine regionum distinctione, & quod Gallici incolas, suum Decretum Concilii Generalis potius quam Legis Civilis autoritate, munivissent.

Si Nota superior attente perpendatur, nullus supererit dubitandi locus, quin hoc Lateranense Decretum spectatum fuerit dumtaxat ut *Consilium*, quod Episcopi hujus Synodi Principibus proposuerunt. Undecim postea annis, unus Cardinalis, Legatus Pontificis, *Ludovicum VIII.* rogavit in Concilio Apamensis, ut Legem ferret in Contemptores Excommunicationis. Anno sequenti coactum fuit Narbona Concilium, quod suam autoritatem adhibuit, ut hujus Legis executionem procuraret, quodque afferit eam in Gallia univerfa custodiri, sicut à Prelatis Francie observatur; nullam autem facit mentionem Decreti Concilii Lateranensis, An. 1228.

S. LUDOVICUS novum Edictum fecit, eō Severius, quod Pater ipsius tulerat. *Concilium Valentinum* 22. annis post, Decretum circa hanc rem condidit, solūque inititit his S. Ludovici & Ludovici VIII. Legibus; eas executioni mitti procurat, quo ad Excommunicatos Galliae, pœnaque spirituales tantum decernit adversus Excommunicatos externis Principibus subditos. Verofimile non est quod neque Concilia, in suis Decretis, neque Principes, in suis Constitutionibus, laudavissent *Canonem 3. Concilii Lateranensis IV.* si persuasum fuisset fidelibus illud esse veram Legem, atque Ecclesiam à Deo acceperisse facultatem statuendi circa hoc argumentum.

Paulò post hoc *Quartum Concilium Lateranense*, plura Concilia in Gallia habita, penas temporales decreverunt adversus Hæreticos, eorumque fautores. Concilia, *Tolosanum*, *Albigense*, & quædam alia similes Canones fecerunt. Jubent ut prædia eorum capiantur, qui sinent Hæreticos in eis commorari, utque Ballivi, si forte negligant officium suum in Hæ-

reticorum inquisitione & punitione, interdicantur ab Officio, denuntienturque incapaces alterius cuiuscumque dignitatis.

Unus est articulus in Canone 3. Concilii *Lateranensis* IV. adversus Dominos temporales, qui ex districtu suo ejicere negligunt incolas Hæreticos, sed non tribuit facultatem Concilii Provincialibus, eos bonorum suorum amissione punire; jubet solū, ut Episcopus, Metropolitanus, ejusque suffragani, eos excommunicent, & nisi post excommunicationem, intra annum satisfaciant, id referatur ad Pontificem, qui Vasallos iporum Sacramento fidelitatis absolvet. Si vero Dominus temporalis requisitus & monitus ab Ecclesia, terram suam purgare neglexerit, ab hac hæretica fealdate, per Metropolitanum & ceteros comprovinciales Episcopos excommunicationis vinculo innodetur; &, si satisfacere contempserit infra annum, significetur hoc Summo Pontifici ut ex tunc ipse Vasallos ab ejus fidelitate denunciet absolutos, & terram exponat Catholicis occupandam, qui eam exterminatis Hæreticis sine ulla contradictione posse fideant, & in fidei puritate conservent &c.». Unde confici potest Concilia Gallica sua Decreta non difficile ad confirmandum, aut suscipendum *Canonem 3. Lateranensis* IV. verum suam autoritatem Principum nostrorum autoritati consociare studuisse, ut horum Constitutiones fidelius observarentur.

Ad hanc *Tertiam* speciem Legum Ecclesiasticarum circa Res Temporales referri possunt Canones, qui nova Tributa imponi vetant, augerive vetera. Concilia, à quibus haec Decreta profecta sunt, non sibi arrogaverunt ius imponendi Leges Principibus, immo Decreta suprema Potestatis Temporalis afferunt, adversus usurpationes quorundam Dominorum privatorum, qui tributa imponere audebant, quamvis hanc potestatem à Superioribus suis non accepissent. Pleraque è Conciliis, quæ hos Canones fecerunt, differt exponunt aliam non fuisse Ecclesiæ mentem. En Statutum Concilii *Lateran.* III. An. 1179. habitu, sub *Alexandro III. Pontifice Can. 22. CONC. Tom. X. pag. 1520.* „Nec quisquam alicui novas Pedagogium exactiones sine autoritate Regum, & Principium consensu, statuere, aut statutas de novo tenere, aut veteres augmentare aliquo modo temere præsumat; si quis enim contra hoc venire præsumperit, & communitus non defiterit, donec satisfaciat, communione caret Christiana“. *Concilium Avenionense*, An. 1209. cui præfuerunt duo Legati Pontificis IN N O C. III. eamdem facit exceptionem, nisi tributa haec de Principum consensu exiungat *Can. 6. Tom. XI. CONC. pag. 44.* „Jubemus ut tam Ecclesiastica personæ, quam Sæculares, à Pe-  
dagigis, Guidagis, Salinariis, & aliis indebitis exacti-  
onibus, per excommunicationis sententiam in per-  
sonas, & interdictum personarum, penitus desistere  
compellantur, nisi forte Regum, vel Impera-  
torum concessione probaverint se habere“.

*Tertia species* Legum Ecclesiasticarum, circa Res Temporales, complectitur *Canones*, quos fecerunt Concilia ex vigore autoritatis, quam à Principibus acceptarunt. Hujus generis sunt *Canones Aranisci I. Arelatenensis II. & Aurelianensis VI.* circa *Manumissio-  
nem servorum*. „In Ecclesiæ manumissos (inquunt Patres) vel per Testamentum Ecclesiæ commendatos, si quis in servitium, vel obsequium, vel ad Colonariam conditionem imprimeret tentayerit, animadversione Ecclesiastica coercetur“. Idem præcipit *Canon 7. Aurelian. V.* „Quia plurimum suggestione compemimus, eos, qui in Ecclesiæ juxta pa-  
trioticam consuetudinem à servitio fuerint absoluti, pro libito quorumcumque iterum ad servitium re-  
vocari, impium esse tractavimus, ut, quod in Ec-  
clesia consideratione à vinculo servitutis absolvitur,  
irritum habeatur; ideo pietatis causa communi con-  
silio placuit, observandum, ut quæcumque manci-  
pia ab ingenuis Dominis servitute laxantur, in eâ  
liber-

„ libertate maneant , quam tunc à Dominis perceperunt ; hujusmodi quoque libertas si à quocumque pulsata fuerit , cùm iustitia ab Ecclesiis defendatur , præter eas culpas , pro quibus leges collatas servis revocari iusserunt libertates „.

Plura alia Concilia Leges tulerunt in hanc rem. Constat manumissionem servorum ejusque modum pendere omnino à Supremâ Potestate temporali , & Deum non dedisse Episcopos facultatem statuere. Manumissio sit legitima , cùm facta fuerit in Ecclesiâ sub testimonio Pastorum. Usus hic sub Imperatore Constantino initium habuit. Hæc scribit SOZOMENUS sub finem Cap. IX. Lib. I. Historie , postque illum CASSIODORUS Historia Tripartite , Lib. I. Cap. 9. „ Cùm ob nimiam legum severitatem , potior liberitas , quam Romanam Civitatem vocant , etiam volentibus Dominis , difficile admodum acquireretur ; tres tulus leges quibus constituit , ut quacunque in Ecclesiâ , sub testimonio Sacerdotum libertate donati essent , Civitatem Romanam consequerentur. Hujus piaz institutionis judicium ætas nostra adhuc retinet , cùm moris sit , ut Leges hac de re scripta præfigantur in tabulis manumissionum „.

Una è Legibus , quarum meminit SOZOMENUS , ad nostrum usque seculum non remansit : aliæ duæ sunt in Codice Justinianeo , Tit. de his qui in Ecclesiis manumittuntur. Secunda tantum extat in Codice Theodosiano , Lib. I. Tit. viii. Cap. 58.

Diu vixit in Galliâ modus hic servos manumittendi , ut patet ex Capitul. 1º Regis Dagoberti , cui Titulus Lex Ripuariorum. Omnes ejus solemnitates exponit , Capitul. Tom. I. pag. 41. „ Hoc etiam jubes ut qualisunque francus , & ripuarius seu tabularius servum suum pro anima remedio , seu pro pretio , secundum Legem Romanam , liberae voluerit , ut in Ecclesia , coram Presbyteris , Diaconis , seu cuncto Clero & Plebe , in manu Episcopi , servum cum tabulis tradat , & Episcopus Archidiaconum jubeat ut ei tabulas secundum Legem Romanam , quæ Ecclesia vivit , scribere faciat , & tam ipse quæcumque & omnis præcreatio ejus liberi permaneant , & sub tuitione Ecclesiæ constinant „. Cap. 58. n. 1.

Ex Cap. 32. Lib. V. Capitul. appetat Gallos hunc morem retinuisse usque ad Sæculum IX. Tom. I. Capitul. pag. 891. Manumissions in Ecclesia sunt celebrande.

In Africâ , Ecclesia , ineunte Sæculo V. nullam habebat autoritatem in manumissione servorum. Amplissima hæc Ecclesia , dum congregata esset , statuit rogandum esse Imperatorem , ut fanciret morem Italicum circa hanc rem in Africâ observari. Duo Canones qui extant in Concilio , quod vulgo dicitur Africanum , sunt nota certa deliberatum hoc fuisse pluribus in Conciliis. Verosimile non est idem Concilium duos Canones circa hoc argumentum condidisse. En Can. 31. Cone. Africani Tom. II. CONC. pag. 1650. „ De manumissionibus sanè in Ecclesia dicentes , si id nostri Confessorates per Italianam facere reperiantur , nostræ etiam erit fiducia istorum ordinum sequi : datâ plenâ licentiâ missâ Legato , ut quæcumque digna fide pro statu Ecclesia & salute animalium agere potuerit , nos laudabiliter in conspectu Domini accepturos. Quæ omnia si Sanctitati vestra placent , edcite : ut & meam suggestionem ratam esse vobis advertam , & nostram omnium consensionem sinceritas eorum libenter accipiat. Ab universis sis Episcopis dictum est , omnibus placent hæc quæ injunctæ sunt peragenda , & prudenter à tua Sanctitate narrata „. Et in Canone 49. hujus Collectio- nis : „ Item placuit ut de manumissionibus in Ecclesia celebrandis , ab Imperatore petatur „. Canones hi inserti fuerunt Codici Ecclesiæ Africane. Prior est 64us. & Posterior 82us. Tom. II. CONC. pag. 1088.

Dubitari igitur nequit , quin Ecclesiæ potestas quo ad servorum manumissionem , Legibus civilibus innixa sit , & Concilia nonnisi post acceptam à Principibus au-

Tom. I.

toritatem super hac re , Canones fecerint. Infinitus est in Conciliis numerus Canonum , qui ad hanc Terram speciem Legum Ecclesiasticarum circa Res Temporales , referri possunt. Videlicet ii , qui jubent ut bona Ecclesiæ immunita sint à tributis : ut Loca sancta jus azili habeant pro reis : ut Causæ Clericorum judicentur ab Episcopis ; etiam quoad Res Civiles : & plures alii. Modus , quo hi Canones compositi sunt , non indicat qua auctoritate Episcop. eos fecerint : perrard significant , se hanc facultatem à Principibus accepisse , seque ex Legum Civilium vigore solummodo statuere. Hæc est origo erroris quorundam Scriptorum recentiorum , qui nullum amadvententes discrimen in formâ Canonum circa Res Spiritualis & circa Res Temporales , arbitrati sunt eos manare à potestate spirituali , quam Deus Episcopis largitus est.

Pro Quarta specie Legum circa Res mere Temporales Ecclesiæ tributarum , assignari possunt Decreta , qua Principes fecerunt in Comitiis Episcoporum aliorumque Magnatum ditionis sua , quæque vulgo Canones vocantur , quamvis auctoritas Ecclesiæ in eis haud intervenerit , & Principes solummodo consuluerint Episcopos , velut personas magna prudentia & summa probitate commendabiles.

Compilatores , qui Concilia Gallicana , Hispanica , & Anglicana ediderunt , plures ex ejusmodi Conventibus illis inservierunt sub nomine Conciliorum ; quamvis hoc verbum Concilium , Conventibus Ecclesiasticis sit affectatum. Concilium quoddam Anglicanum Gratianecen An. 929. habitum , constituit , ut unica sit in Regno integro Moneta species : ut Moneta in certis dumtaxat Loci cedatur , & manus adulterorum Moneta amputentur. Constat , hæc statuta ex potestate spiritualis jurisdictione non esse. Verum quidem est Præstationem & Canones indicare , qualis fuerit auctoritas Regum hoc in Concilio ; sed plura sunt , in quibus omnia eadem ratione , atque illic , gesta sunt , quamvis ita disertè non dicatur , Decreta ex auctoritate Principum profecta esse.

Huic speciei adjici possunt Decreta ad Autoritatem temporale spectantia , quæ sub auctoritate Principium confecta sunt à pluribus Synodis , voluntatis illorum gnaris , & sapientiam illis praæsentibus. Hujus generis est Decretum à Concilio Matriconensi II. An. 583. factum , circa observationem Diei Dominicæ. Sancit in eos , qui parere renuent , ut , si caudicis fuerit , irreparabiliter causam amittet ; si rusticus aut servus , gravioribus fustiis ierbatur. Ejusmodi Sancio à Spirituali Potestate exire nequit. Ex Edicto Regis Guntrammi ejusdem anni , discimus , illam Synodus hoc sub ejus auctoritate Decretum fecisse.

In his Quatuor speciebus Legum Ecclesiasticarum circa Res Temporales , Concilia dumtaxat attigi , quæ habita sunt , ut darentur regulæ Provinciis , in quibus Ecclesiasticæ personæ temporalem auctoritatem supremam non haberent.

Quinta supèrèst species , continens Leges Civiles Episcoporum , qui Principes Temporales sunt in locis , ubi Episcopi supremam auctoritatem temporalem exercent.

Leges administrationem Civilém respicientes , vulgo confusa cum Ecclesiæ Canonibus reperiuntur. Ibi enim Sæcularis atque Spiritualis Magistratus unus atque idem Legislator est , qui Decreta sua , quomodo libuerit , ordinare potest , atque Ecclesiasticis viris eam , quam voluerit , administrationis temporalis partem credere. Hæc ratio una est ex eis , propter quas Concilia Rome habita , ex quo Pontifices ejus Domini facti sunt , plena sunt Decretis ad regimen Reipublicæ pertinentibus. Pontifices non intendunt , ut omnes hi Canones omnium Statuum Christianorum Leges evadant. Ea partim fecerunt ad temporalem Urbis Roma administrationem , Provinciarumque sibi subditarum : v. g. Canon. 12. Concilii Lateran. An. 1122. sub CALIXTO II. habiti , quodque pri-

mo loco ponitur inter Occidentalia Generalia, est potius Ordinatio Politia temporalis, quam fecit Pontifex, ex curia, Concilio, & consensu prefecti, ut patet ex verbis Canonis, quam Lex Ecclesiastica omnibus Ecclesiis consultò proposita. Tom. XI. CONCIL. p. 898.  
 „ Illam verò pravam defunctionum porticanorum con-  
 „ stitudinem, quæ haec tenus ibi fuit ex fratribus nos-  
 „ trorum & totius curia Confilio, nec non & vefro  
 „ atque consensu prefecti, removendam censemus, ut  
 „ porticanorum habitatorum sine hæreditibus morien-  
 „ tiun bona, contra morientium deliberationem mi-  
 „ nimè pœvadantur, ita tamen, ut porticarii in Ro-  
 „ manæ Ecclesiæ & nostra nostrorumque Successorum  
 „ obedientiâ & fidelitate permaneant.“

Idem de Decretalibus dicendum est. Plures sunt, qua Civiles effectus ordinant, quasque non fecissent Pontifices, si eam solùm haberent potestatem, quam Deus Petro indulxit, cuius Successores sunt. Illa au-  
 toritas non continetur in dignitate Capitis Ecclesiæ quam instituit CHRISTUS. Illa non gaudebant, priusquam Reges nostri eos Dominos supremos fe-  
 cissent, nihilque in ipsorum Decretis xvi superioris simile occurrit. Nunc de aliis Ecclesiæ Legibus dis-  
 putandum est, quæ circa Res merè Temporales non versantur.

## SECTO II.

## De LEGIBUS ECCLESIAE merè ECCLESIASTICIS.

Secundo generi Legum Ecclesiæ subjici eas, quæ merè Ecclesiastice sunt; id est, quæ nullam cum ad-  
 ministratio Temporali connexionem habent, qua-  
 rumque observatio nullam in Reipublicæ regime  
 mutationem inducere potest. Quales sunt ex, quæ  
 præcipiunt fideles Eucharistie Sacramentum in Pascha  
 accipere, suaque peccata fennel in anno saltem, pro-  
 priò Sacerdoti confiteri. Ha à Spirituali Potestate  
 unicè pendent & Principum, quatenus politico-  
 rum, autoritatem non respiciunt Magistratum :  
 si autem aliquando ipsorum notioni subjaceant, id  
 solùm fit quatenus illi sunt Ecclesiæ Protectores, ut  
 in suo Regno ilias executioni mandari procurent.

Quamvis ad Principes solos pertineat Legum, cir-  
 cùs res merè temporales, latio, suprà observavi jus  
 illud ab Ecclesiæ pluries exercitum fuisse: idem vi-  
 cisim factum reperimus circa res merè spirituales.  
 Principes supremi Religioni Christianæ mancipari fa-  
 tentur eas ab Ecclesiæ Jurisdictione unicè pendere.  
 Hoc non obstitit quominus Imperatores piissimi fa-  
 cientes Leges, non solùm circa Ecclesiasticam Disci-  
 plinam, sed etiam præcipua fidei capita. Cùm enim  
 Deus Ecclesiæ tutelam ipsis mandaverit, se obligatos esse rati sunt, ad utendum autoritatem, quam ab ipso  
 accepterunt, ut Ecclesiæ Decreta recipi procurarent,  
 cavillantesque flagitosos atque Hæreticos contende-  
 rent.

THEODOSIUS MAGNUS Imperator Legem pro-  
 mulgavit An. 381. contrà Arianorum, & Eunomian-  
 orum Hæreses: Leg. nullus Cod. THEOD. Lib. XVI.  
 Tit. v. Leg. 6. & Cod. JUST. Lib. I. Tit. 1. Leg. 2.

Illustri huic Ecclesiæ protectori non sufficit subditis  
 jubeat ut fidem Nicenam amplectantur, ejus ipse  
 articulos determinat, cäque ratione exponit, quæ  
 fidei Catholicae exposito ab Episcopis concinnata po-  
 tius quam Lex Civilis videtur.

„ Nullus Hæreticis ministeriorum locus, nulla ad  
 „ exercendi animi obstinationis dementiam pateat oc-  
 „ casio, sciant omnes, etiam si quid speciali quoli-  
 „ bet rescripto per fraudem elicito ab hujumodi  
 „ hominum genere impetratum sit, non valere. Ar-  
 „ ceantur cunctorum Hæreticorum ab illicitis Congre-  
 „ gationibus turbæ: Unius & Summi Dei nomen  
 „ ubique celebretur; Nicenæ fidei dudum à majori-  
 „ bus traditæ & divinæ Religionis testimonio atque  
 „ adscriptionis firmata, observantia semper mansura,

„ teneatur: Photinianæ labis contaminatio, Ariani  
 „ sacrilegii venenum, Eunomiacæ perfidia crimen, &  
 „ nefanda monstruosis nominibus autorum prodigia  
 „ Sectarum, ab ipso etiam aboleantur audiuntur. Is  
 „ enim Nicenæ assertor fidei, & Catholicae Religio-  
 „ nis verus cultor accipiens est, qui omnipoten-  
 „ tem Deum & Christum Filium Dei uno nomine  
 „ confitetur, Deum de Deo, lumen de lumine, qui  
 „ Spiritum Sanctum (quem ex summo rerum Paren-  
 „ te & speramus & accipimus) negando non violat:  
 „ apud quem intemerata fidei sensu viget incorruptæ  
 „ Trinitatis individuæ substantia, quæ Gratiæ assertione  
 „ verbi sicut recte creditibus dicitur. Hæc perfec-  
 „ tio nobis magis probata, hæc veneranda sunt. Qui  
 „ verò iisdem non inserviunt, desinunt affectatis do-  
 „ lis alienum vera Religionis nomen assumere, & suis  
 „ apertis criminiibus denotentur, ab omni summoti  
 „ Ecclesiæ limine penitus arceantur, &c.

Nonne hæc verba sunt expositio fidei? Is enim  
 Nicenæ assertor fidei & Catholicae Religionis verus cul-  
 tor est accipiens, qui omnipotentem DEUM &  
 CHRISTUM Filium Dei uno nomine confitetur &c.  
 Numquid aliud esset Episcoporum congregatorum ser-  
 mo?

An. 373. VALENTINIANUS Imperator Legem  
 hanc condidit dum Treviris esset; Antisitem qui sanctum  
 Baptismatis illicita usurpatione geminaverit,  
 Sacerdotio indignum esse censemus.

Similem fecit GRATIANUS An. 377. „Eorum  
 „ condemnamus errorem qui Apostolorum præcepta  
 „ aliae Christiani nomini Sacra menta fortitos, alio  
 „ rursus baptismate non purificant sed incestant, la-  
 „ vacri nomine polluentes: „Eas Leges retuli pro-  
 „ ut abbreviatæ sunt in Cod. Justiniani Lib. I. Tit. vi.  
 Ne sanctum Baptismata iteretur. Textus illarum paulò  
 fusior est in Codice Theodosi. Lib. XVI. eodem Titulo  
 Leg. 1. & 2. Nihil est his in Legibus, quod eas à  
 Canonicis distinguat. Earum argumentum Ecclesiasti-  
 cum est. Peccata in Episcopos ejus contemptores lata  
 similis est: Sacerdotio indignum esse censemus. Et stylus  
 denique non repugnat. Totus Liber xvi. Codicis  
 Theodosiani conflat ex Legibus circa Fidem contra  
 Hæreticos, & circa Disciplinam Ecclesiæ. Ejusdem  
 generis multæ sunt in Lib. I. Cod. Justin. XII. priores  
 Tituli circa materiam hanc versantur. Magna pars  
 earum quæ sunt in Tit. de summa Trinit. & Fide  
 Catholica; in Tit. v. de Hæret. & Manicheis; in vi.  
 Ne sanctum Baptismata iteretur, respiciunt Fidem. Plu-  
 res quoque circa Disciplinam Ecclesiasticam & Mo-  
 nasticam versantur.

In NOVELLIS Justiniani, QUINTA, de Monachis,  
 definit tempus Probationis ad admittendos Monachos;  
 Formam in Abbatum Electione servandam, & quæ-  
 dam alia Capita Disciplinæ interioris Monasteriorum.  
 SEXTA tres Partes continet, quarum 1<sup>a</sup>. de Moribus:  
 2<sup>a</sup>. de Ordinatione: 3<sup>a</sup>. est de Residentia Episcoporum.  
 Nov. LVIII. vetat Missam in dominibus privatorum  
 recitari, Nov. CXXIII. de Episcopis, Clericis &  
 Monachis, statuit circa residentiam Episcoporum, con-  
 vocationem Conciliorum, ætatem Presbyterorum,  
 & aliorum Clericorum, eorumque Matrimonia, Pre-  
 ces publicas, aliaque multæ ejusdem naturæ capita.

Ostendi in Prima Parte, qualis fuerit autoritas  
 Capitularium Regum nostrorum. Ipsa partim compo-  
 nuntur ex Decretis, quæ respiciunt Fidem, & capita  
 Disciplina omnino Ecclesiastica ordinant. Determinant  
 ætatem necessariam ad Sacerdotium; modum re-  
 cipiendi Religiosos; Abbatesque eligendi; quid Epis-  
 copi & Presbyteri scire teneantur; Santos, qui invocari  
 debent; & generaliter omnia Disciplinæ Ec-  
 clesiasticae puncta.

Primum Capitulare, An. 789. quod vulgo Capitulare  
 Aquitanense nuncupatur, continet 80. Articulos  
 qui ferè singuli ad hoc argumentum pertinent. Caro-  
 lus Magnus in eo loquitur imperativè. \* Jubet Art. 68.

„ Ut

\* Cap. 66. Lib. I. juxta Collect. Ansæg.